


مكتبتى



انا بحب مكتبتى

و برتب فيها كتبى

دايما أحافظ عليها

وأحفظ فيها كراستى

ألوانى حلوة جميلة

ويلون بيها عروستى

برسم بيها

وزة وبطة

وأرسم قطة فوق الشجرة

ماما حبيبتى بتشجعنى

قلت أرسمها هى ووالدى

والدى رسمته شجرة كبيرة

بيضل على بيتى وعيلتى

ومامتى برسمها شمعة

بتنور وتشد عزيمتى

بعد ما أذاكر ممكن أرسم

ممكن ألون

أو أقرا فى كتبى تثقفنى

مانا لازم عقلى دا ينور

وأغذى الروح كدا وأتنور

مكتبتى دى كل حياتى

بديها من وقتى يوماتى

وبنى كمان هواياتى

وبدعى دايماً ربي يحفظ مكتبتي حبيبتى